



586432


1
Mag. St. Dr.

annua

1800

1800

1800



BONI CHRISTIANI
PIUM
EXERCITIUM
FORMULAS
DEUM COLENDI,
BEATISSIMAM DEI MATREM,
ANGELOS CUSTODES, SAN-
CTOSQUE IN SALUTIS NE-
GOTIO INVOCANDI
CONTINENS.

Cum permissu Superiorum

IMPRESSUM.



LEOPOLI
ANNO DOMINI 1800.
TYPIS PILLERIANIS.

586 432

I

INCITAMENTA AD ORANDUM.

Petite & dabitur vobis: quærite & invenietis, pulsate & aperietur vobis, omnis enim, qui petit, accipit: & qui quærit invenit, & pulsanti aperietur. Aut quis ex vobis homo, quem si petierit filius suus panem, numquid lapidem porriget ei? aut si piscem petierit, numquid serpentem porriget ei? Si ergo vos, cum sitis mali, nostis bona data dare filiis vestris: quanto magis Pater vester, qui in cælis est, dabit bona petentibus, se? Math. C. 7mo.

Gaudete in Domino semper: iterum dico, gaudete. Modestia vestra nota sit omnibus hominibus. Dominus prope est. Nihil solliciti sitis: sed in omni oratione, & obsecratione, cum gratiarum actione petitiones vestræ innotescant apud Deum. Et pax Dei, quæ exuperat omnem sensum, custodiat corda vestra & intelligentias vestras in Christo Jesu. ad Corint. Cap. 7mo.

Bibl. Jag

1868 K 521 St. J.

PRIMI COGITATUS

BONI CHRISTIANI E SOMNO
EVIGILANTIS.

Benedicta sit sancta, & individua Tri-
nitas: Pater, Filius, & Spiritus San-
ctus. Amen.

Benedictus es Domine Deus in fir-
mamento cæli, & laudabilis & glorio-
sus, & superexaltatus in sæcula.

Gloria tibi suavissima, dulcissima, be-
nignissima, imperialis, excellentissima,
fulgida, semperque tranquilla Trinitas,
pro rosiis vulneribus Jesu Christi, &
acerbissimis doloribus amabilissimæ Ge-
nitricis ejus Mariæ Virginis, & omnium
famulorum famularumque tuarum affli-
ctionibus meorum unice electorum ama-
torum. Amen.

Laus tibi Domine Rex æternæ glo-
riæ.

Qui passus est pro nobis Jesu Chri-
ste, miserere nobis.

Jesu in vulnera tua absconde me.

O! bone Jesu, laudo te, & quod mihi in tua laude deest, tu solus digneris supplere pro me.

O! bone Jesu amo te, & quod mihi in tuo amore deest, tu solus digneris supplere pro me, Deoque Patri amorem Cordis tui digneris offerre pro me.

Benedicta sit sancta, & immaculata Conceptio Beatissimæ Virginis Mariæ.

A F F E C T U S

MANE ET SOEPE ETIAM PER
DIEM ELICIENDI.

Mihi autem adhærere Deo bonum est: ponere in Domino Deo spem meam.

Miserere mei Deus secundum magnam misericordiam tuam.

Domine ante te omne desiderium meum, & gemitus meus a te non est absconditus.

Quemadmodum desiderat cervus ad fontes aquarum, ita desiderat anima mea ad te Deus.

Quam

Quam dilecta tabernacula tua Domine virtutum! Concupiscit et deficit anima mea in atria Domini. Cor meum, & caro mea exultaverunt in Deum vivum.

Misericordias Domini in æternum cantabo.

Deus Cordis mei, & pars mea Deus in æternum.

Deus in adjutorium meum intende Domine ad adjuvandum me festina.

AD PULSUM CAMPANAE.

Angelus Domini nuntiavit Mariæ & concepit de Spiritu Sancto. Ave Maria &c. &c.

Ecce Ancilla Domini: fiat mihi secundum verbum tuum. Ave Maria gratia &c. &c.

Et verbum caro factum est, & habitavit in nobis. Ave Maria &c. &c.

Ora pro nobis sancta Dei Genitrix: ut digni efficiamur promissionibus Christi.

O R E M U S.

Gratiam tuam quæsumus Domine mentibus nostris infunde, ut qui Ange-
lo

lo nuntiante Christi Filii tui Incarnationem cognovimus per passionem ejus, & crucem ad resurrectionis gloriam perducamur. Per Christum Dominum nostrum. Amen.

AD SONITUM HOROLOGII.

Benedicta sit dies et hora illa, qua Dominus noster Jesus Christus incarnari nasci, pati & mori pro nobis voluit, qua sine labe concepta nata est, & in cælum assumpta Beatissima Virgo & Mater Dei Maria, qua ego indignissimus in album servorum & filiorum Dei & Mariæ inscriptus sum. In nomine Patris & Filii & Spiritus Sancti. Amen.

ORATIONES MATUTINÆ.

In nomine Patris, & Filii & Spiritus Sancti Amen.

Veni Sancte Spiritus reple tuorum corda fidelium, & tui amoris in eis ignem accende, qui per diversitatem linguarum cunctarum gentes in unitatem fidei congregasti.

Emitte

Emitte Spiritum tuum & creabuntur,
Et renovabis faciem terræ.

ORATIO DOMINICA.

Pater noster, qui es in cælis, sanctificetur
nomen tuum, adveniat regnum tuum.
Fiat voluntas tua sicut in cælo & in ter-
ra. Panem nostrum quotidianum da no-
bis hodie. Et dimitte nobis debita no-
stra, sicut & nos dimittimus debitoribus
nostris. Et ne nos inducas in tentatio-
nem, sed libera nos a malo. Amen

SALUTATIO ANGELICA.

Ave Maria gratia plena Dominus tecum.
Benedicta tu in mulieribus & be-
nedictus fructus ventris tui Jesus Chri-
stus. Sancta Maria Mater Dei, ora pro
nobis peccatoribus nunc & in hora mor-
tis nostræ. Amen.

SYMBOLUM FIDEI APOSTOLICUM.

Credo in Deum Patrem, omnipoten-
tem creatorem cæli & terræ. Et in Je-
sum
sum

sum Christum Filium ejus unicum Dominum nostrum. Qui conceptus est de Spiritu Sancto, natus ex Maria Virgine, passus sub Pontio Pilato, crucifixus mortuus & sepultus, descendit ad inferos, tertia die resurrexit a mortuis; ascendit ad cælos, sedet ad dexteram Dei Patris omnipotentis, inde venturus est judicare vivos & mortuos. Credo in Spiritum Sanctum; Sanctam Ecclesiam Catholicam, Sanctorum Communionem, remissionem peccatorum; carnis resurrectionem, & vitam æternam. Amen.

O R A T I O.

GRATIARUM ACTORIA AD DE- UM PATREM.

Omnipotens sempiterne Deus, vita mea, omne bonum meum, & universa felicitas mea: ego terræ pulvis, miser vermiculus peccatorum omnium maximus, mancipium rebelle, canis mortuus, putredo, foetor, sto ante faciem tuam, te laudare, tibi; gratias agere gestiens. Sed quia hoc digne non possum, neq; quod Tibi offeram, habeo: offero Tibi omnium Angelorum & omni-
um

um Sanctorum Sanctarumq; tuarum, virtutes, & merita, imo Christi Filii tui, & amabilissimæ Matris ejus dolores & labores defatigationes incommoda, ærumnas, & tristitias, & sanguineas guttas pro me effusas, denique passionem & mortem Christi Filii tui amarissimam pro innumera misericordiarum, beneficiorum, donorum multitudine, quæ mihi homini vilissimo, & abjectissimo tam liberaliter usque ad hanc horam contulisti, & adhuc confers. Desidero benignissime Domine, tu fac, ut quod desidero impleam, ut indissolubili Tibi vinculo gratiarum actionis, & amoris colliger, ut neque vita, neque mors possit me ad momentum a te separare & quidquid sum & possum quæcunque intra me, extra me sunt, & possunt, te colant, quærant, sitiant, ament, tibi serviant, placeant perpetuo ac perfectissime. Amen.

O R A T I O

AD DEUM FILIUM.

Adoro, laudo, ac saluto te dulcissime ac benignissime Jesu Christe Fili Dei, vive unigenite, æternoque Patri con-
sub-

substantialis, Lumen de lumine & Deus verus de Deo vero, laudo, ac saluto dulcissimum ac Divinum Cor tuum ex quo tanquam ex mellifluo gratiarum fonte omne bonum omnisque dulcedo effluxit, & effluit. Ex totis cordis mei viribus ago tibi gratias, quod me hac nocte custodieris, Deoque Patri pro melaudes, & gratiarum actiones persolveris. Et nunc o dulcis amor meus, offero tibi miserum & indignum cor meum in sacrificium matutinum, & omni qua possum devotione includo illud, & commendo Divino cordi tuo, rogans ut Divinas tuas influxiones illi infundere, atque sancto tuo amore accendere digneris. Amen.

ORATIO.

AD SPIRITUM SANCTUM.

O Amor æterne, o Spiritus consolator, o donum, super omne donum! En abyssus miseriarum invocat abyssum misericordiæ, ut malis meis remedium, vulneribus medicinam, & sordibus lavacrum inveniam, lava quod est sordidum, riga, quod est aridum, sana quod est saucium.

cium. — Tu in principio mundi super aquas ferebaris, ut informi rerum creaturarum massæ vitam, & fecunditatem inspirares, postea autem majori longe prodigio per aquas baptismi vita, & fecunditate gratiæ animam meam donasti.

Verum ego vilis & jumentis similis factus tuorum donorum pretium non agnovi abjeci gratiam illam, hæreditariis originalis peccati debitis nova ac propria adjeci, innatam fragilitatem adauxi; grave catenis meis pondus addidi, & vulnera mea exacerbavi, non mereor igitur, nec clementiam, nec veniam non mereor. Tu vero cujus liberalitas eo illustrior est, quo major est nostra indigentia, ne deferas misellum, cui sine te nihil omnino boni obvenire potest. Sine tuo numine nihil est in homine, nihil est innoxium. Cumq; e maximis meis miseriis sit, ignorare meas misérias, compatere cæcitati meæ, & uno lucis radio ostende mihi quam miserabilis sim in oculis tuis. Doce me, quis tuus sit de me sensus, de meo nihilo, de pravis meis habitibus, de mea ignorantia, de mea fragilitate & de perversitate mea. Beatum me, si hanc mihi gratiam feceris,

ris, sine me videre lumen in lumine tuo. Confido me aliquando in cælum admit-
tendum, ut sanctitatis ac beatitudinis
tuæ particeps, tibi quæ æternum. similis
fiam. Amen.

O R A T I O.

AD BEATISSIMAM VIRGINEM MARIAM.

Sancta Maria Mater Dei, & Virgo ego
N. N. te hodie in Dominam patronam,
& advocatam eligo firmiterque statuo,
ac propono, me nunquam te derelictu-
rum neque contra te aliquid unquam
dicturum, aut facturum neque permisu-
rum, ut a meis subditis aliquid contra
tuum honorem unquam agatur. Obse-
cro te igitur, suscipe me in servum per-
petuum. Adsis mihi in omnibus actio-
nibus meis nec me deferas in hora mor-
tis meæ. Amen.

A N T I P H O N A.

Salve Regina Mater misericordiæ, vita,
dulcedo, & spes nostra salve. Ad te
clamamus exules filii Evæ. Ad te su-
spiramus gementes, & flentes in hac la-
cry-

erymarum valle. Eja ergo advocata
nostra illos tuos misericordes oculos ad
nos converte. Et Jesum benedictum
fructum ventris tui nobis post hoc exi-
lium ostende. O clemens! o pia! o dul-
cis virgo Maria! Ora pro nobis Sancta
Dei Genitrix. Ut digni efficiamur pro-
missionibus Christi.

O R E M U S.

Omnipotens sempiterne Deus, qui
gloriosæ Virginis Matris Mariæ corpus
& animam, ut dignum Filio tuo habi-
taculum officii mereretur Spiritu Sancto
cooperante, præparasti; da ut cujus
commemoratione lætatur, ejus pia in-
tercessione ab instantibus malis & a mor-
te perpetua liberemur. Per Christum
Dominum nostrum. Amen.

O R A T I O.

AD ANGELOS CUSTODES.

Sancti Angeli Dei, qui custodes estis
nostri; nos vobis commissos pietate su-
perna hodie & quotidie illuminate, cu-
stodite, regite, gubernate, ac docete
nos exemplo vestro omne id quod De-

us vult integre semper, ac promptissime implere, atque eum æquali semper gaudio resignatos nos vivere in omnem voluntatem Dei nostri. Amen.

ORATIO.

AD OMNES SANCTOS.

Omnes Sancti, quos felici morte defunctos hodie felici æternitate donavit Deus, orate pro me. Omnes Sancti mei nominis & meæ patriæ ac Patroni mei mensrui, orate pro me. Omnes Sancti, quibus sacra est illa, quæ mihi nascenti prima fuit dies, orate pro me. Omnes Sancti, quibus est illa, quæ mihi morienti ultima erit dies, orate pro me. Omnes Sancti, nationis & conditionis meæ, orate pro me. Omnes sancti & sanctæ Dei, vos potissimum, qui in hac vita, maxime excellistis in amore Dei, Tuque o Maria Mater agonizantium, orate pro omnibus hodie nascentibus, & hodie in agone supremo periclitantibus, impetrate mihi a Crucifixo Jesu felicem mortem, beatam æternitatem. Amen.

ACTUS

A C T U S
VARIARUM VIRTUTUM SIMUL.
QUE INTENTIO DIURNA.

Credo, spero, amo, adoro te pulcherrime, ac optime super omnia Deus meus, & ideo de peccatis meis doleo ac desidero plus dolere & confiteri, doleo super omnia, quod te tam ingratus offenderim Deus meus —. In gratiarum actionem ac satisfactionem offero tibi hujus diei, ac vitæ meæ totius actiones atq; momenta singula, conjuncta omnibus guttis lacrymarum & sanguinis Jesu omnibus meritis Jesu, Mariæ & omnium electorum tuorum, ut te videre, ac amare una cum illis merear in æternum. Amen.

M O D U S
PIE AUDIENDI SACRUM
ORATIO PRÆPARATORIA.

O dulcissime Domine Jesu Christe, aperi os meum, ac labia mea ad benedicendum & glorificandum nomen tuum, quod est super omne nomen bene-

neditum, mundaque cor meum ab universis malis, & perversis cogitationibus, ut te jugiter labia mea collaudent, mens meditetur, vita glorificet, anima benedicat. — Omnipotens æterne Deus, qui non semel tantum filium tuum unigenitum in Cruce nostræ reparationi impendisti, sed ejus oblationem tibi acceptissimam in Ecclesia tua quotidie renovari ad ejus fructum in nobis renovandum voluisti: tribue nobis quæsumus, tam admirando huic, & tam salutari tuæ pietatis mysterio, tam attente, reverenter, & amanter interesse ut ejus participationem quam efficacissime consequi valeamus. Per Christum Dominum nostrum. Amen.

AD INTROITUM.

Te Patrem ingenitum, te Filium unigenitum, te Spiritum Sanctum Paracletum, Sanctam & individuum Trinitatem toto corde & ore confitemur, laudamus, atque benedicimus.

Gloria Patri, qui creavit nos,

Gloria Filio, qui redemit nos,

Gloria Spiritui Sancto, qui sanctificavit nos.

Glo-

Gloria summæ & individuæ Trinitati
Deo nostro. Amen.

AD GLORIA IN EXCELSIS.

Gloria in excelsis Deo, & in terra pax
hominibus bonæ voluntatis. Laudamus
te. Benedicimus te. Adoramus te. Glo-
rificamus te. Gratias agimus tibi pro-
pter magnam gloriam tuam. Domine
Deus Rex celestis. Deus Pater omni-
potens. Domine Fili unigenite Jesu
Christe Domine Deus. Agnus Dei Fi-
lius Patris. Qui tollis peccata mundi
miserere nobis. Quoniam tu solus Sanctus,
tu solus Dominus, tu solus altissimus
Jesu Christe, cum Sancto Spiritu in glo-
ria Dei Patris. Amen.

AD EVANGELIUM.

Domine Jesu Christe, qui Evangelium
vivo ore prædicasti hominibus, aperi,
quæso mentes nostras, ut huic verbo
tuo salvifico sincera charitate ad finem
usq; constanter adhæreamus. Amen.

AD CREDO

Symbolum Fidei Nicænum.

Credo in unum Deum Patrem omni-
potentem factorem cæli & terræ, &
B omni-

omnium rerum visibilium, & invisibilium. Et in unum Dominum Jesum Christum, Filium Dei unigenitum, ex Patre natum ante omnia sæcula: Deum de Deo, lumen de lumine, Deum verum de Deo vero; genitum non factum consubstantialem Patri: per quem omnia facta sunt. Qui propter nos homines, & propter nostram salutem descendit de cælis, & incarnatus est de Spiritu Sancto ex Maria Virgine & homo factus est: crucifixus etiam pro nobis sub Pontio Pilato, passus & sepultus est. Et resurrexit tertia die secundum scripturas, & ascendit in cælos & sedet ad dexteram Patris. Et iterum venturus est cum gloria judicare vivos & mortuos: cujus regni non erit finis. Et in Spiritum Sanctum Dominum & vivificantem, qui ex Patre filioque procedit, qui cum Patre & Filio simul adoratur, & glorificatur, qui locutus est per prophetas, Et unam Sanctam Catholicam, & Apostolicam Ecclesiam. Confiteor unum Baptisma in remissionem peccatorum. Expecto resurrectionem mortuorum, & vitam venturi sæculi. Amen.

AD

AD OFFERTORIUM.

Clementissime Pater, fac me dignum. ut offeram tibi merita vitæ, & mortis dilectissimi Filii tui. Et nunc ego in unionem meritorum Domini nostri Jesu Christi offero tibi intellectum, voluntatem & memoriam meam, cogitationes, verba, opera, labores, gaudia, bona omnia, vitam denique & quid possideo, aut possidere possum per omnem æternitatem: idque per manus Beatissimæ Virginis Mariæ, & Sanctorum Angelorum, qui huic Sacrificio adstant, ut Deo orationes & oblationes fidelium præsentent.

AD PRÆFATIONEM.

Omnipotens æternæ Deus, quem unum in Trinitate, & trinum in unitate confitemur. Te laudo, Te adoro, Te glorifico. O beata Trinitas. Tu es summum bonum de quo manant omnia bona. Tu abyssus totius felicitatis, tu solus altissimus. Tibi ego cum universa Curia cœlesti concino Sanctus, Sanctus Sanctus Dominus Deus Sabaoth, pleni sunt cæli & terra gloria tua.

AD SACRUM CANONEM.

Oratio pro Statu S. Ecclesiæ.

O Pater misericordiarum respice in faciem Christi Filii tui, qui clamore valido & lacrymis interpellat pro sponsa sua Ecclesia, Matre nostra. Ecce mi Pater profusus ille corporis sudor, horrendæ capitis spinæ, calidi fontes oculorum, clavi manuum & pedum livores & vulnera & vox sanguinis Fratris nostri Jesu Christi altius quam sanguis Abel clamat ad te de cruce. Audi o Pater! ad hujus suspiria & gemitus moti sunt cæli, scissi sunt lapides, & tenerrima misericordiæ tuæ viscera non flectentur? Protege & defende Pater clementissime populum tuum contra hostium ferociam. Ne tradas bestiis animas confidentes tibi, & animas pauperum tuorum ne projicias in finem. Custodi omnes, Domine & conserva, qui te sincero corde & ore confitentur, ne a falsis prophetis, qui veniunt in vestimentis ovium, intus autem sunt lupi rapaces, seducantur. Coerce potentiam eorum, machinationes detege, & consilia adversus Ecclesiam tuam dissolve. Da Regibus & Prin-

Principibus Christianis, & cunctis fidelibus tuis misericors Domine, ut in vera pace, tranquillitate ac unione perpetuo amemus & laudemus te, ut doctrinam tuam augeamus, teque ad mortem usque constanter sequamur. Amen.

AD ELEVATIONEM.

Ave verum Corpus natum ex Maria Virgine. Vere pasum immolatum in Cruce pro homine. Cujus latus perforatum unda fluxit & sanguine. Esto nobis prægustatum in mortis examine, O! dulcis, o pie, o Jesu fili dulcis Mariæ miserere nobis.

ADORATIO

SANCTISSIMI SACRAMENTI.

Laudetur Sanctissimum Sacramentum, tot laudibus, quot Sanctissima Trinitas sua omnipotentia depromere, sua sapientia concipere, sua bonitate optare potest omni loco, omni tempore, nunc & semper & in sæcula & ultra.

ANTE COMMUNIONEM.

Deus qui pro redemptione mundi voluisti nasci, circumcidi, a Judæis reprobari

bari, a Juda proditore osculo tradi, vinculis alligari, sicut agnus innocens, ad victimam duci, atque conspectibus Annæ & Caiphæ, Pilati & Herodis indecenter offerri, a falsis testibus accusari, flagellis & opprobriis vexari, sputis conspuï, spinis coronari, colaphis cædi, arundine percuti, facie velari, vestibus exui, cruci clavis affigi, in cruce levari, inter latrones deputari, felle & aceto potari, lancea vulnerari. Tu Domine per has Sanctissimas pœnas tuas, quas ego indignus recolo, & per Sanctam Crucem & mortem tuam, libera me a pœnis inferni, & perducere digneris, quo perduxisti latronem tecum crucifixum. Qui cum Patre & Spiritu Sancto vivis & regnas Deus per omnia sæcula sæculorum. Amen.

POST COMMUNIONEM.

Oratio S. Ignatii Lojolæ.

Anima Christi sanctifica me, Corpus Christi salva me. Sanguis Christi inebria me. Aqua lateris Christi lava me. Passio Christi conforta me; O bone Jesu exaudi me: intra vulnera tua absconde me: ne permittas me separari a te,
ab

ab hoste maligno defende me, in hora
mortis meæ voca me, & jube me ve-
nire ad te, ut cum sanctis tuis laudem
te in sæcula sæculorum Amen.

SALUTATIO.
VULNERUM JESU CHRISTI.

Ad vulnus lævi pedis.

Ave vulnus lævæ plantæ,
Qua virtutum crescunt plantæ,
Nos ab hoste supplantante
Tu defende post & ante.

Ad vulnus pedis dextri.

Ave vulnus dextri pedis,
Pedem mentis pie lædis,
Dum ad eam sæpe redis
Esio nobis spes mercedis.

Ad vulnus manus lævæ.

Ave manus Christi læva
Perforata plaga sæva
Nos ab omni malo læva
Quod causavit mater Eva.

Ad vulnus manus dextræ.

Ave manus dextra Christi
Perforata plaga tristi

Nos

Nos ad dextram jube sissi,
Quos per crucem redemissi.

Ad vulnus lateris.

Ave latus perforatum
Unde fluxit flumen gratum,
Præbe nobis conducatum
Ad æternæ vitæ statum.

O R A T I O.

O Jesu Christe Fili Dei vivi & Deus vere, ex vulneribus tuis sanguinem tum elice, ex eoque fac mihi balneum, & in hoc balneo ablue me ab omnibus iniquitatibus meis, & omnibus donis gratiæ tuæ exorna me, & in vitam æternam induc me ad laudem & æternam gloriam excellentissimi nominis tui, Amen.

AFFECTUS

AD JESUM CRUCIFIXUM.

O Domine Jesu Christe, propter illam amaritudinem, quam in Cruce passus es, præcipue quando anima tua sanctissima ex Divinissimo tuo corpore eggredebatur, miserere mei, nunc & in hora mortis meæ, Amen.

AFFE-

AFFECTUS.

AD BEATISSIMAM V. MARIAM.

O Nobilissima Filia æterni Patris, o
Augustissima Mater Dei Filii, o pulcher-
rima sponsa Spiritus Sancti Maria Vir-
go propter illos dolores, quos in passi-
one Domini nostri Jesu Christi Filii tui
pertulisti, & filius tuus pro nostra salu-
te passus est, impetra mihi a Patre &
Filio et Spiritu Sancto hanc gratiam,
ut tibi et filio tuo compatiar et ut te-
cum & Filio æternum gaudeam in re-
gno æterno. Amen.

SALUTATIO

BEATISSIMÆ VIRGINIS Mariæ.

Gaude, Deipara Virgo Maria gratia
plena, quia concepisti secundum
carnem Filium Dei.

Gaude, quia eum in utero tuo portasti.

Gaude, quia eum genuisti.

Gaude, quia eum uberibus Virgineis lac-
tasti.

Gaude, quia eum Reges adorabant.

Gaude, quia Christum in templo post
tres dies invenisti,

Gau-

Gaude, quia Christus resurrexit, a mortuis, & in cælum ascendit.

Gaude, quia tu in cælum assumpta fuisti.

Gaude, quia tu Virginitate Angelos, & gloria Sanctos superas.

Gaude, quia tibi cælestes incolæ obsequiosi sunt.

Gaude, quia tu quodcunque vis, apud filium tuum Christum Deum nostrum impetrare potes.

Gaude quia digna facta es sedere secundum Sanctissimam Trinitatem.

Gaude, quia tu es mater afflictorum, ad te confugientium.

Gaude, quia tecum gaudium æternum durabit.

Gaude Maria gratia plena Dominus tecum, & per te nobiscum. Amen.

Laus cum prole pia, tibi sit semper Virgo Maria.

AD BENEDICTIONEM SACER-
DOTIS.

Benedicat nos Omnipotens Deus, Pater & Filius & Spiritus Sanctus. Amen.

ORA-

ORATIONES DIURNÆ

Ante quodvis Opus.

In nomine Patris & Filii & Spiritus Sancti. Amen.

Veni Sancte Spiritus reple tuorum Corda fidelium &. Ut supra.

O R E M U S.

Mentes nostras, quæsumus Domine lumine claritatis tuæ illustra, ut videre possimus, quæ agenda sint, & quæ recta sunt, agere valeamus, per Christum Dominum nostrum. Amen.

Actiones nostras quæsumus Domine aspirando præveni, & adjuvando prosequere, ut cuncta nostra oratio & operatio a te semper incipiat, & per te cepta finiatur. Per Christum Dominum nostrum. Amen.

BENEDICTIO MENSÆ.

Oculi omnium in te sperant Domine, & tu das illis escam in tempore opportuno. Aperis tu manum tuam & imple omne animal benedictione. Pater noster. Ave maria &c.

Domine Deus Pater cælestis benedic nobis, & his donis, quæ de tua lar-

largitate fumimus, per Jesum Christum
Dominum nostrum. Amen.

GRATIARUM ACTIO

Post Cibus Sumptum.

Confitemini Domino, quoniam bonus,
quoniam in sæculum misericordia ejus.
Qui dat escam omni carni, qui dat ju-
mentis escam ipsorum, & pullis corvo-
rum invocantibus eum. Beneplacitum
est Domino super timentes eum, & in
eis qui sperant super misericordia ejus.
Gratias agimus tibi, Domine Deus Pa-
ter, per Jesum Christum Dominum no-
strum pro universis beneficiis tuis, qui
vivis & regnas in sæcula sæculorum.
Amen.

In nomine Patris & Filii & Spiri-
tus Sancti. Amen. Pater noster. Ave
Maria &c.

ACTUS

VARIARUM VIRTUTUM.

Actus Fidei.

Omnipotens æternæ Deus, credo quod
sis, & quod justos vitæ æternæ præmiis

remuneraturus, impios vero æternis inferni suppliciis addicturus sis. Credo omnia, quæ revelasti de tua unitate & Trinitate: de Incarnatione verbi Divini: de Sacramentis, de Ecclesia, ejusque capite Pontifice Romano: de cultu sanctorum. Credo animam hominis esse immortalem. Credo gratiarum Dei esse necessariam ad quodvis opus meritorum vitæ æternæ. Credo Mariam Virginem Gentricem Dei esse, quæ Virgo ante partum, Virgo in partu, Virgo post partum fuit. Credo Imagines Christi Domini, Deiparæ semper Virginis Mariæ, & aliorum Sanctorum colendas, ac venerandas. Credo purgatorium esse, animasque ibi detentas fidelium suffragiis juvari. Credo omnia quæcunque revelasti, & per Sanctam Ecclesiam Catholicam, quæ in rebus fidei & morum infallibilis est, ad credendum proposuisti, quia tu Domine Deus neque falli, neque fallere potes. O Domine adauge nobis fidem.

Actus Spei.

O Domine Deus meus omnem spem meam in te colloco. Spero te mihi ex
im-

immenſo bonitatis tuæ theſauro, ex viſceribus infinitæ miſericordiæ tuæ & ex inexhauſto mari meritorum vitæ, paſſionis, ſanguinis & mortis Domini noſtri Jeſu Chriſti, daturum remiſſionem omnium meorum peccatorum et ex iisdem theſauris bonitatis tuæ, ac meritorum pretioſiſſimi ſanguinis Domini noſtri Jeſu, te mihi largiturum gratiam, qua habita ea omnia præſtem, quæ tu a me fieri vis, in ordine ad obtinendam vitæ æternæ gloriam. O Jeſu ſis mihi Jeſus: dic animæ meæ; ſalus tua ego ſum, mihi autem adhærere Deo bonum eſt, ponere in Domino Deo ſpem meam. Deus meus & omnia. O Domine roborâ ſpem meam.

ACTUS AMORIS

ERGA DEUM ET PROXIMUM.

Omnipotens, omnisciens, omnigenæ bonitatis Domine Deus præſentiſſime Domine, ſummum bonum, quo nihil melius cogitari poteſt, pulchritudinis fons, & origo omnium rerum creator & conſervator in quo vivimus, movemur, & ſumus: Adoro te, laudo, benedico, amo te ſuper omnia creata ex
to-

to corde, ex tota anima, ex totis viribus meis. Amo te, toto me, imo cupio amare te toto te. Et quot sunt momenta temporis & æternitatis; quot sunt athomi cæli & terræ, quot sunt actiones hominum omnium & Angelorum omnium animalium, & rerum inanimatarum & si essent millena millia mundorum, & si hæc omnia multiplicarentur per omnes numeros possibiles tot volo habere corda amantia te toto me, imo amantia te toto te, propter te, & proximum meum sicut me ipsum propter te, Fiat fiat o Domine o Pater luminum da mihi veram charitatem, omne enim donum perfectum descendit desuper a te.

Actus Contritionis.

Doleo ex toto corde de omnibus peccatis meis quomodocunque commissis contra te summum bonitatis & sanctitatis Oceanum. Ita doleo de peccatis meis amore tui mi Deus, ut velim sanguine meo redimere tempus, quo peccavi, ut non peccassem. Doleo quod tu amor meus ab aliis non amaris. Propono per gratiam tuam & eligo millies mori, quam te vel levissime offendere. Protestor coram

ram te, quod in omnibus actionibus meis nihil aliud intendere tota vita mea volo, nisi solum purum honorem, gloriam, amorem & beneplacitum tuum. O Domine firma hæc omnia in me potentissima gratia tua.

ORATIONES VARIAE

ORATIO.

In tentationibus dicenda.

Sit coram Domino, Cor meum & corpus immaculatum. Obsecro te Domine Jesu Christe, ut passio tua sit virtus mea, qua muniar, protegar & defendar. Vulnera tua sint mihi cibus, & potus quibus pascar, inebrier, & delecter. Asperio sanguinis tui sit omnium peccatorum meorum plena remissio. Mors tua sit mihi vita, & gloria sempiterna, In his sit mihi exultatio, sanitas, studium, desiderium corporis, & animæ. Amen.

ORATIO PRO IMPETRANDA IN BONO PERSEVERANTIA.

Deus, qui nos a vanitate sæculi liberatos sub alis Sanctissimæ Matris Filii tui constitutos, ad bravium supernæ vocationis

orationis accendis, pectoribus nostris purificandis illabere, & gratiam nobis, qua in tuo, & ejusdem Sanctissimæ Virginis Mariæ servitio perseveremus, infunde, ut protectionis tuæ muniti præfidiis quæ te donante concepimus, impleamus, & nostri propositi executores effecti, ad ea quæ perseverantibus in te promittere dignatus es, pertingamus. Per Christum Dominum nostrum. Amen.

ORATIONES AD BEATISSIMAM

pro impetranda felici morte.

Per Sanctam Virginitatem, & immaculatam conceptionem tuam purissima Virgo Maria emunda Cor & Carnem meam. In nomine Patris & Filii & Spiritus Sancti. Amen. Ave Maria &c.

O Domina mea Sancta Maria sicut Deus Pater per omnipotentiam suam, te potentissimam effecit, ita mihi quæso adsis in hora mortis expellendo omnem contrariam potestatem. Ave Maria &c.

O Domina mea Sancta Maria, sicut te Filius Dei tanta sui cognitione

C

&

& claritate dignatus est, ut totum cælum illuminares, ita in hora mortis animam meam cognitione fidei sic illustres & corrobore, ut nullo errore, aut ignorantia pervertatur. Ave Maria &c.

O Domina mea Sancta Maria, si-
cut spiritus Sanctus suum Amorem, ti-
bi plenè infudit, ita tu in hora mortis
dulcedinem Amoris divini mihi instilla,
ex quo omnis amaritudo mihi reddatur
suavissima, Sanctissima Dei Parens
Virgo Maria per acerbissimæ Passionis
Jesu Christi Filii tui merita te supplex
rogo, ut si forte hodie vel hac hora
me mori contigerit, mei memineris.

H Y M N U S

De SS. Anna & Joachim.

Anna Parens Sanctissima,
Sancto beata Conjuge,
Sacratior es Filia,
Nepote Sacratissima.
Sanctis atavis Joachim
Felix, & Felix conjuge,
Sed filia felicior,
Nepote felicissime.

Maria Virgo virginum,
Virgo Parentum gloria,
Gloriosa virtutibus,
Gloriosior gratia,
Honor æternæ gloriæ,
Mater summæ clementiæ,
Universorum Domina,
Adsis nobis propitia,
Morbos pelle, fuga pestem,
Debella hunc regni hostem,
Et quod vovisti Fratribus,
Da gratiam sodalibus.
Alma Genitrix faveto
His, qui canunt corde læto,
Laudant Joachim sobolem,
Venerantur Annæ Prolem.
Jesu nobis dulcissime,
In tuæ Matris gratiam
Et per avorum merita
Da veniam, da gloriam.
Gloria tibi Domine
Qui natus es de Virgine
Cum Patre & Sancto Spiritu
In sempiterna sæcula.

✠. Ora pro nobis Sancta Anna.

✠. Ut digni efficiamur promissionibus
Christi.

O R E M U S.

Deus, qui Beatæ Annæ tantam gratiam donare dignatus es, ut Beatissimam Virginem Mariam matrem tuam in utero suo portare mereretur, da nobis per intercessionem Matris & Filiæ tuæ propitiationis abundantiam, ut, quarum memoriam pio amplectimur amore, earum precibus ad cælestem Jerusalem pervenire mereamur. Qui vivis & regnas cum Deo Patre in unitate Spiritus Sancti Deus per omnia sæcula sæculorum. Amen.

Sancta Anna, quæ semper regnas cum Angelis, nunc nostri sic memor esto, ut tuo mereamur sociari consortio.

AD SANCTUM DISMAM.

Beati mortui, qui in Domino moriuntur.

A modo jam dicit spiritus, ut requiescant a laboribus suis,

O Disma latro pænitens,
Lectissime Patrone,
Sis mihi tutor moriens,
Dum luctor in agone.

AD

AD SANCTUM JUDAM THAD-
DAEUM.

V. Sancte Juda Thaddæe ora pro me.

R. Et omnibus, qui colunt te.

O R A T I O.

Gloriosi Christi cognate Apostole & Martyr Sancte Juda; qui vastissimis in regionibus fidem efferatis gentibus disseminasti, virtutibus, ac miraculis clarus innumerabiles filios Jesu Christo peperisti: per illum, qui te sibi Apostolum adscivit, precor, ut me miserum a consuetudine peccatorum meorum abstrahas, a cogitationibus immundis meis meritis præserve, & in rebus desperatis tuo mihi adsis patrocinio, ac tandem ad invisibilem gloriam tuis precibus evehas, ubi Sancta Trinitas adoratur in Patre, Filio, & Spiritu Sancto. Amen.

AD SANCTAM VIRGINEM

Barbaram Patronam felicitis mortis.

O R A T I O.

O Sanctissima Virgo Barbara quodcunque Sponsi tui viribus potes, mihi
in

in mortis articulo, obsecro ut suppedites. Adjuva me miserum, ne in peccatis moriar. Effectum habeat tunc tua intercessio, primitus a Christo tibi facta promissio cum fidem ejus tuo sanguine consecrares. Redeat in memoriam Sponso tuo virgineus collo tuo exuberans sanguis, recordetur ardentissimæ tuæ charitatis, nec Animam meam a Corpore exire permittat, nisi confessione expiatam & Sanctissimo Eucharistiæ Sacramento refectam. Nam, si in quo beneficio glorificaris, in hoc maxime quod omnis spem in tuo patrocinio habens, & semper te in auxilium invocans a repentina & improvisa morte effugiet. A qua & me misellum libera tuis precibus Magna Martyr Barbara, & potenti oratione tua dignum me fac ad dextram Filii Dei cum Benedictis statui, & audire vocem jucundissimam: Euge serve bone & fidelis intra in gaudium Domini tui. Amen.

ORATIONES PRO CHRISTI

fidelibus agonizantibus.

ORATIO I.

Kyrie eleyson. Christe eleyson. Kyrie eleyson. Pater noster. Ave Maria &c.

Domine Jesu Christe deprecor te per tuam Sanctam agoniam atque devotissimam orationem, quam in monte Oliveti orasti, quando, factus est sudor tuus sicut guttæ sanguinis decurrentis in terram, & eundem sudorem sanguineum, quem præ timore mortis tam copiose fudisti, cælesti Patri tuo offerre & ostendere digneris contra multitudinem peccatorum fidelium hodie agonizantium. Et velis eos in hora obitus eorum liberare ab omnibus angustiis & pænis, quas pro peccatis suis se timent meruisse.

ORATIO II.

Kyrie eleyson. Christe eleyson. Kyrie eleyson. Pater noster. Ave Maria &c.

Domine Jesu Christe, qui pro salute mundi in dura cruce mori dignatus es, deprecor te, ut amaritudinem illam,

lam, quam in eadem sustinuisti, præsertim quando sacratissima Anima tua eggressa est de benedicto corpore tuo, cælesti Patri offerre & ostendere digneris pro fidelibus hodie agonizantibus, eosque in hora obitus eorum liberare ab omnibus pænis & cruciatibus, quos pro peccatis suis se timent meruisse. Amen.

ORATIO III.

Kyrie eleyson. Christe eleyson. Kyrie eleyson. Pater noster. Ave Maria &c.

Domine Jesu Christe, qui per Prophetam tuum dixisti, in Charitate perpetua dilexi te, ideo attraxi te miserans tui, rogo te, ut amorem illum, qui te de cælis ad terram ad patiendam omnem miseriam traxit, Cælesti Patri tuo offerre, & ostendere digneris pro fidelibus hodie cum morte luctantibus, eosque liberare ab omnibus pænis & cruciatibus, quos pro peccatis suis se timent meruisse. Adsis eis pie Jesu in hora obitus eorum, aperi eis januam vitæ, & perduc animas eorum in paradisum exultationis, ubi te laudent per infinita sæcula. Amen.

ORA-

ORATIO PRO DEFUNCTIS.

Deus cui proprium est misereri semper
& parcere te supplices exoramus pro
animabus fidelium defunctorum præci-
pue cognatorum, propinquorum, &
amicorum nostrorum quibus adhuc in
purgatorio aliquid luendum superest, ut
eas Beata Maria semper Virgine inter-
cedente cum omnibus Sanctis tuis ad
perpetuum beatitudinis consortium per-
venire concedas. Per Christum Domi-
num nostrum. Amen.

℣. Requiem æternam dona eis Domine.

℟. Et lux perpetua luceat eis.

Et fidelium Animæ per misericordiam
Dei requiescant in pace. Amen.

ORATIONES VESPERTINAE.

In nomine Patris & Filii & Spiritus
S. Amen. Pater noster. Ave Ma-
ria. Credo &c.

ORATIO GRATIARUM

Actoria.

Omnipotens æterne Deus, ago tibi gra-
tias pro omnibus mihi collatis benefi-
ciis,

cui, & imprimis quod ad imaginem tuam me creasti, quod immensis laboribus, & doloribus ex inferni faucibus eripuisti, quod in hanc usque præsentem horam ab innumeris periculis me præservasti, quod vitam æternam, si morem præceptis tuis gessero, largiri paratus es.

ORATIO PETITORIA LUMINIS.

Illumina quæso Domine meum intellectum, ut videam & cognoscam quidquid hodie cogitando, loquendo vel operando peccavi. Et deprecor te per Passionem & mortem tuam, ut illud digneris mihi homini peccatori clementer ignoscere.

A D M O N I T I O.

Agnitis peccatis tuis, elice actum contritionis, & dic Psalmum 50.

Miserere mei Deus, secundum magnam misericordiam tuam.

Et secundum multitudinem miserationum tuarum dele iniquitatem meam.

Amplius lava me ab iniquitate mea, & a peccato meo, munda me.

Quo-

Quoniam iniquitatem meam ego
cognosco, & peccatum meum contra
me est semper.

Tibi soli peccavi, & malum coram
te feci: ut justificeris in sermonibus tuis,
& vincas, cum judicaris.

Ecce enim in iniquitatibus conce-
ptus sum, & in peccatis concepit me
mater mea.

Ecce enim veritatem dilexisti in-
certa & occulta sapientiæ tuæ manife-
stasti mihi.

Asperges me hyssopo, & munda-
bor: lavabis me, & super nivem deal-
babor.

Auditui meo dabis gaudium & læ-
titiā & exultabunt ossa humiliata.

Averte faciem tuam a peccatis
meis, & omnes iniquitates meas dele.
Cor mundum crea in me Deus: & Spi-
ritum rectum innova in visceribus meis.

Ne projicias me a facie tua: &
Spiritus Sanctum tuum ne auferas a
me.

Redde mihi lætitiā salutaris tui:
& spiritu principali confirma me.

Docbo iniquos vias tuas & impii
ad te convertentur.

Libe-

Libera me de sanguinibus Deus
Deus salutis meæ: & exaltabit lingua
mea iustitiam tuam.

Domine labia mea aperies: & os
meum annuntiabit laudem tuam.

Quoniam si voluisses sacrificium de-
dissem utique, holocaustis non delecta-
beris.

Sacrificium Deo spiritus contribu-
latus: cor contritum & humiliatum Deus
non despiciet.

Benigne fac Domine in bona vo-
luntate tua Syon: ut ædificentur muri
Jerusalem.

Tunc acceptabis sacrificium iustitiæ,
oblationes & holocausta: tunc impo-
nent super altare tuum vitulos. Gloria
Patri &c.

Tum subjunge.

PROPOSITUM EMENDATIONIS.

Peccavi Domine, doleo ex amore tuo
o Deus, & propono cum tua gratia vi-
tam meam emendare, pro admis-
sis cul-
pis pœnitentiam agere, & te solum
Deum meum in omnibus vitæ actioni-
bus quærere. Oro etiam, ut si hac
nocte velis me hinc abscendere, agas
me.

mecum pro tua misericordia clementer. Sin vero diutius vitam prorogare decrevisſi, gratiam largiaris ſobrie juſſe & pie vivendi in hoc ſæculo ad laudem & gloriam nominis tui. Amen.

Hic poſſunt orationes omnes pro impetranda felici morte commodiſſime dici. Item Pſalmus 90. Qui habitat, in adjutorio altiſſimi; in protectione Dei cæli commorabitur.

Dicet Domino: ſuſceptor meus es tu, & refugium meum: Deus meus, ſperabo in eum.

Quoniam ipſe liberavit me de laqueo venantium; & a verbo aſpero.

Scapulis ſuis obumbrabit tibi, & ſub pennis ejus ſperabis.

Scuto circumdabit te veritas ejus: a timore nocturno.

A ſagitta volante in die, a negotio perambulante in tenebris: ab incurſu, & dæmonio meridiano.

Cadent a latere tuo mille & decem millia a dextris tuis: ad te autem non appropinquabit.

Verum tamen oculis tuis considera- bis: & retributionem peccatorum vide- bis.

Quo-

Quoniam tu es Domine spes mea :
altissimum posuisti refugium tuum.

Non accedet ad te malum : & flagellum non appropinquabit tabernaculo tuo.

Quoniam Angelis suis mandavit de te : ut custodiant te in omnibus viis tuis.

In manibus portabunt te : ne forte offendas ad lapidem pedem tuum.

Super aspidem , & basiliscum ambulabis & conculcabis leonem & draconem.

Quoniam in me speravit , liberabo eum : protegam eum , quoniam cognovit nomen meum.

Clamabit ad me , & ego exaudiam eum , cum ipso sum in tribulatione : eripiam eum , & glorificabo eum.

Longitudine dierum replebo eum : & ostendam illi salutare meum. *Tum pro defunctis. Psalmus 129.*

De profundis clamavi ad te , Domine :

Domine exaudi vocem meam.

Fiant aures tuæ intendentes in vocem deprecationis meæ.

Si iniquitates observaveris Domine:
Domine, quis sustinebit.

Quia apud te propitiatio est: &
propter legem tuam sustinui te Domine.

Speravit anima mea in verbo ejus:

Speravit anima mea in Domino.

A custodia matutina usque ad noctem: sperat Israel in Domino.

Quia apud Dominum misericordia:
& copiosa apud eum redemptio.

Et ipse redimet Israel ex omnibus
iniquitatibus ejus.

AD SANCTOS ANGELOS.

Congratulamini nunc omnes angelorum
chori, qui gaudetis unanimi gaudio super
uno peccatore pœnitentiam agente;
Pœnitentiam agam, & amplius non
peccabo. Assistite mihi, concivem effici-
cite me, ascendat in conspectu vestro
propositum emendationis, & descendat
auxilium divinum super me, & maneat
super me semper. Amen.

AD OMNES SANCTOS.

Gloriosi victores, de vestra salute se-
curi, juvate me militantem, in hac mi-
litia

litia super terram, ut corpus meum ca-
figem, & in servitutem redigam: ne
Princeps tenebrarum, in vinculis ferreis,
pedes, & manus meorum affectuum, &
operum, rapiat in tenebras exteriores:
cogitate me membrum esse vestrum,
juvate me, ut capiti nostro, quod est
Christus conjungar. Amen

Aspergens te aqua benedicta dicito:
Aspergens me Domine hyssopo, & mun-
dabor, lavabis me, & super nivem
dealbabor.

DUM LECTUM INGREDERIS.

In nomine Domini nostri Jesu Christi
Crucifixi cubitum eo, ille me benedi-
cat, regat, custodiat, & ad vitam per-
ducat æternam. Amen.

ASPIRATIONES PIAE IN LECTO.

Jesus, Maria, Joseph dulcissimi mei
amores, vobis commendo corpus &
animam meam, & finem vitæ meæ,
& totam meam æternitatem. Jesus, Ma-
ria, Joseph. Jesus, Maria, Joseph.

O Pater æterne in manus tuas
commendo spiritum meum.

O Fili unigenite in manus tuas commendo spiritum meum.

O Spiritus Sancte Paraclete in manus tuas commendo spiritum meum.

O Mater Dei, & Mater mea, in manus tuas commendo spiritum meum.

O Mater Dei sis mihi Mater, nunc & in hora obitus mei.

Deus in adjutorium meum intende. Domine ad adjuvandum me festina.

Deipara in adjutorium meum intende. Domina ad adjuvandum me festina.

Sancti Angeli Custodes, Sancte Patrone cujus nomine insignior, & omnes Sancti intendere dignemini pro Animæ meæ salute.

Signando frontem & pectus, dicito.

Per Signum Sanctæ Crucis de inimicis nostris libera nos Deus noster.

Pax Domini nostri Jesu Christi, virtus sacratissimæ ejus Passionis.

Titulus triumphalis: Jesus Nazare-
nus Rex Judæorum. Integritas Beatif-
simæ Virginis Mariæ, & omnium San-
ctorum tribulationes, & merita, sint in-
ter

ter me, & inimicos nostros. In nomine Patris, & Filii, & Spiritus Sancti. Amen.

Sit coram Domino cor meum & corpus immaculatum. Gloria Patri, & Filio & Spiritui S.

*Donec obdormias cogita mysteria
Passionis Christi Domini.*

SALUTATIO

BEATISSIMAE VIRGINIS MARIAE

Deiparae ex piis Auctoribus collecta.

Ave nobilissima Filia Dei Patris. Ave Augustissima Mater Dei Filii. Ave dulcissima sponsa Spiritus Sancti Paracleti. Ave candidum lilium fulgidæ, semperque tranquillæ Trinitatis. Ave rosa fulgidæ cælicæ amœnitatis, de qua nasci, & de cujus lacte pasci Rex cælorum voluit. Ave templum Sanctissimæ Trinitatis. Ave ex omnipotentia Patris. Ave ex Sapientia Filii. Ave ex dulcissima bonitate Spiritus Sancti, Maria illuminans Cælum & terram, gratia plena Dominus tecum unicus Dei Patris genitusque virginæ cordi tui Filius dulcissimus Sponsus & amicus tuus.

tuus, benedicta tu in mulieribus, quæ
repulisti Evæ maledictionem & repor-
tasti æternam benedictionem, benedi-
cta sit S. Anna Mater Tua, ex qua sine
macula originalis peccati caro tua pro-
cescit.

Virginea, & benedictus fructus ven-
tris tui Jesus Christus Dominus, &
Creator tuus & omnium, omnia ditans
& vivificans, omnia benedicens & san-
ctificans, replens sui & tui amore te
diligentes. Sancta Maria immaculate
concepta, in utero beatæ Annæ sanctis-
simæ Genitricis tuæ ducentos septua-
ginta dies portata, & in nativitate tua
universo mundo lætitiā annuntians
Mater Dei & Mater nostra divinis in-
fluxibus animas nostras pascere, ora pro
nobis peccatoribus, nunc, & sicut omni-
bus Amatoribus & Amatricibus tuis &
Filii tui promissisti, adsis in hora mortis
nostræ. Amen.

AD M. D. G. Bq; V. M. M. DEI.

H. & OO. SS.

Cultum ac Venerationem.

INDEX

Rerum in hoc libello conten-
tarum.

	pag.
<i>Incitamenta ad orandum</i> . . .	2
<i>Primi cogitatus boni Christiani e somno evigilantis</i> . . .	3
<i>Affectus mane & sæpe etiam per diem eliciendi</i> . . .	4
<i>Ad pulsum Campanæ</i> . . .	5
<i>Ad sonitum horologii</i> . . .	6
<i>Orationes Matutine</i> . . .	6
<i>Oratio Dominica</i> . . .	7
<i>Salutatio Angelica</i> . . .	7
<i>Symbolum fidei Apostolicum</i> . . .	7
<i>Oratio gratiarum actoria ad Deum Patrem</i> . . .	8
Ora-	


I N D E X.

	pag.
<i>Oratio ad Deum Filium</i>	9
<i>Oratio ad Spiritum Sanctum</i>	10
<i>Oratio ad Beatissimam Virginem Mariam</i>	12
<i>Oratio ad Angelos Custodes</i>	13
<i>Oratio ad omnes Sanctos</i>	14
<i>Actus variarum virtutum simulque intentio diurna</i>	15
<i>Modus pie audiendi Sacrum</i>	15
<i>Orationes diurnæ ante quodvis opus</i>	27
<i>Benedictio Mensæ</i>	27
<i>Gratiarum actio post cibum sumptum</i>	28
<i>Actus variarum virtutum fidei spei &c. &c.</i>	28
<i>Oratio in tentationibus dicenda</i>	32
<i>Oratio pro impetranda in bono perseverantia</i>	32
<i>Orationes ad Beatissimam pro impetranda felici morte</i>	33
<i>Hymnus de Sanctis Anna & Joachim</i>	34
<i>Ad Sanctum Dismam</i>	36
<i>Ad Sanctum Judam Thaddæum</i>	37
<i>Ad Sanctam Virginem Barbaram Patronam felicitis mortis</i>	37

INDEX.

	pag.
<i>Orationes pro Christi fidelibus</i>	
<i>agonizantibus</i> . . .	39
<i>Oratio pro defunctis</i> . . .	41
<i>Orationes Vespertinae</i> . . .	41
<i>Ad Sanctos Angelos</i> . . .	47
<i>Ad omnes Sanctos</i> . . .	47
<i>Dum lectum ingrederis</i> . . .	48
<i>Aspirationes piæ in lecto</i> . . .	48
<i>Salutatio Beatissimæ V. Mariæ</i>	
<i>Deiparæ ex piis Auctoribus</i>	
<i>collecta</i>	50

[28]



40.—
E * 424572

KSIEGARNIA
ANTYKWARIAT



E * 424572

Biblioteka Jagiellońska



stdr0024662

